



Kavamatkunnin Tuhaqtitudjutikhaq

Nutaqqavut Havagiaqtuqatigilugit Ublua 2020

Aulaqtirkhaa Ublua: Hikutirvia 4, 2020
Nutqarvikhaa Ublua Hikutirvia 4, 2020
Nunavunmi-tamaat

45 sec

Tapkununga tuhaayukhaq Nunavunmi Puqtiniqaqtunik 9mi ilishaqtun, angajuqqaaq, havaktituihimaaqtunik *Nutaqqavut Havagiaqtuqatigilugit Ublua* aulaniaqtuq Pingattiu, Tarium Hikutirvia 4, 2020!

Ubluani ilauvaktut ilishaqtut Puqtunia 9 uvluraaluk havagviani ittutik angayuqqamik, ilaruhimik, ilannarmik, imaaluuniit ikayuinaqtunik iningnikharnik, ilishaqhutik takuplutik qanuritaakkhanik havagiaqturiami. Una aulatiluni COVID-19 Qalagjuarniq aanniaqtailiqinikkut uuktutikhangit, uvani ukium hulilukaaktunik aulagiaqtaqtun hivayautikkut, pikasuuuliurnikkut uqaqqatigiikluk, allanikluuniit qaritauyakkut aturlutik.

Ilinniaqtuliqiyikkut ikayukhimaaqtun uminga pinahuarutikharnik nigiukhutik ilauyukharnik Puqtuniqaqtunik 9mi ilishaqtun imailiurniaqtun:

- Qiniqhimaarniaqtun havaagumayainik pidjutikharnik naunairutikharnik auladjutikharnik talvani Aulajaaqtut iliharviani;
- Ilituqhainahuarlutiklu akhuurutigiyauyt ilishaqhimaaqtukhauyt iliharvingmi; unalu
- Piyaangat ihuaqtumik kangikhidjutikharnik amigaitunik havaagumayainik pidjutikharnik angmaumayut tamainun inungnun.

Ilangit Nunavunmi iliharviit qunngiagiaqaqtun una hulilukaarniq allatqiinik ubluanganik malikhautiyaangat iliharvingit ilihaidjutihimaagiayainik piqaqtukharnik.

Qaritauyakkut hanaqidjutikhangit ilishaqtun, angayuqaangit, havagvningmilu unalu ilihaiyiingitlu nalvaagiaqaqtun uvani <https://www.thelearningpartnership.ca/take-our-kids-to-work>.

###

Tuhaqtidjutikhanut Uqarvikhaq:

Troy Rhoades
Tuhaqtakhanun Atannguyaulaqtuq
Ilinniaqtuliqiyikkut
867-979-5680
info.edu@gov.nu.ca

News releases are available in Inuktitut, English, Inuinnaqtun and French on www.gov.nu.ca.

Tuhaqtakhat ittut Inuktitut, Qablunaatitut, Inuinnaqtun Uiviitillu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtidjutikkut